



Republika e Kosovës – Republika Kosova
Paneli Zgjedhor për Ankesa dhe Parashtresa
Izborni Panel za Žalbe i Predstavke

ZL.Anr.1099/2017

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Hasan Shala kryesues, Fejzullah Rexhepi dhe Adnan Konushevcu anëtar, me pjesëmarrjen e Zyrtares së Lartë Ligjore Antigona Murati, duke vendosur përkitazi me ankesën e Rrjetit Ballkanik për Gazetari Hulumtuese BIRN dhe Internews Kosova (IKS), paraqitur kundër subjektit politik Lidhja Demokratike e Kosovës (LDK), me seli në Prishtinë, për shkak të Thyerjes së Heshtjes Zgjedhore, për raundin e dytë të Zgjedhjeve Lokale të mbajtura më 19.11.2017, në seancën e panelit të mbajtur me datë 21.11.2017, mori këtë:

V E N D I M

PRANOHET si e bazuar ankesa e Rrjetit Ballkanik për Gazetari Hulumtuese BIRN dhe Internews Kosova (IKS), me seli në Prishtinë, me shenjën ZL.Anr.1099/2017 e datës 19.10.2017, kështu që subjektit politik Lidhja Demokratike e Kosovës (LDK), i shqiptohet dënimi më gjorbë në vlerë prej 2,700.00 (dymijëeshtatëqind) euro, të cilën detyrohet ta paguaj në afat prej 15 (pesëmbëdhjetë) ditëve nga dita e pranimit të këtij vendimi **nën kërcënim të përmbarimit**.

A r s y e t i m

PZAP-i, ka pranuar një ankesë me datë 19.11.2017 nga Rrjeti Ballkanik për Gazetari Hulumtuese BIRN dhe Internews Kosova (IKS), ku në ankesën ZL.Anr.1099/2017 ka pretenduar se kandidati për anëtarë të Kuvendit Komunal në Prishtinë, Agron Avdyli, nga radhët e subjektit politik LDK, me seli në Prishtinë, me datë 19.11.2017, në rrjetin e tij social Facebook ka publikuar një status, me qëllim të bëhet thirrje për ta votuar Arban Abrashi. Me këtë rast parashtresuesi i ankesës thekson se është shkelur neni 36 par.1 pika b) e LZP.

Në mbështetje të pretendimeve ankimore ka bashkangjitur një fotografi në lidhje me rastin në fjalë.

Në përgjigje në ankesë të datës 21.11.2017, subjekti politik LDK thekson se postimi i Agron Avdylit, nuk mund të konsiderohet si postim i bërë nga subjekti politik pasi që personi në fjalë është qytetarë i zakonshëm meqë nuk ka ndonjë status që njihet sipas dispozitave ligjore të “ish kandidatit” për anëtarë të Kuvendit Komunal. Andaj ka kërkuar që të refuzohet ankesa si e pa bazuar.

Paneli, pasi që shqyrtoj të gjitha shkresat e lëndës në kuptim të nenit 117 par. 2 të LZP-së, gjeti se:

Ankesa është e bazuar

Nga fotografitë e ofruara si provë të cilat gjendet në shkresat e lëndës shihet qartë se kandidati për anëtarë të Kuvendit Komunal, Agron Avdyli, nga radhët e subjektit politik LDK, me seli në Prishtinë, në profilin e tij në facebook, ka shpërndarë një postim në të cilin shihet se ka përmbytur të fushatës zgjedhore në ditën e heshtjes zgjedhore konkretisht me datë 19.11.2017 në ora 12:18, ku përkrahë, kandidatin për Kryetarë të Komunës së Prishtinës, nga radhët e subjektit politik LDK, veprim ky që është në kundërshtim dhe me nenin 36 paragrafi 1 pika b) të LZP-së e cila përcakton se: *“Njëzetekatër (24) orë para hapjes së Qendrave të Votimit për hedhjen e votës, e deri në mbylljen e tyre, subjekteve politike, mbështetësve ose kandidatëve të tyre u ndalohet bërja e fushatës në çfarëdo mënyre”*.

Sa i përket pretendimeve të subjektit politik LDK se postimi i Agron Avdyli, nuk mund të konsiderohet si postim i bërë nga subjekti politik pasi që personi në fjalë është qytetarë i zakonshëm meqë nuk ka ndonjë status që njihet sipas dispozitave ligjore të “ish kandidatit” për anëtarë të Kuvendit Komunal, mirëpo këto pretendime paneli i vlerësoi se nuk qëndrojnë sepse dispozita ligjore e nenit 32. Pika 3, 4 dhe 5 përcakton subjektet politike mbahen përgjegjëse për shkeljet e këtij Kodi të kryera nga anëtarët, mbështetësit dhe kandidatët e tyre. Me këtë rast Paneli konstaton se Agron Avdyli në cilësinë e përkrahësit dhe mbështetësit të kandidatit të LDK-së për kryetar të komunës së Prishtinës gjatë kohëzgjatjes së heshtjes zgjedhore ka bërë fushatë për kandidatin për Kryetar Komune nga radhët e subjektit politik LDK me të cilën i bëhet thirrje votuesve të votojnë dhe të mbështesin kandidatin për kryetar Komune të Prishtinës të subjektit politik LDK, andaj në këtë bazë rrjedh edhe përgjegjësia e subjektit politik të LDK-së.

Paneli me rastin e vendosjes se gjobës si në dispozitiv të këtij vendimi, ka marrë parasysh të gjitha rrethanat për rastet: natyrën e shkeljes dhe ndikimit të mundshëm të saj në procesin zgjedhor, shkallën dhe peshën e shkeljes, përdorimin e fjalorit denigrues, pjesëmarrjen e subjektit politik në zgjedhjet e mëparshme që konsiston në faktin së LDK-ja, ka qenë e njoftuar me obligimet dhe përgjegjësit gjatë procesit të fushatës, shkeljet e ligjeve zgjedhore në fuqi që ka bërë subjekti në fjalë në këto zgjedhje dhe në zgjedhjet e mëparshme në Kosovë që do të thotë se i njëjti është i njoftuar me rregullat zgjedhore si dhe shumën e fondeve që ka marra subjekti politik prej Buxhetit të Republikës së Kosovës, për zhvillimin e aktiviteteve lidhur me fushatën zgjedhore. Po ashtu si rrethanë, PZAP-i, mori edhe faktin që këtij subjekti, ia dha mundësinë për tu përgjigjur ashtu që në përgjigjet e tij ka mohuar shkeljet e supozuara dhe e njëjta nuk ka ofruar prova sipas nenit 32.6 të LZP-së.

Andaj, PZAP-i duke marrë parasysh këtë si dhe në mbështetje të dispozitave ligjore të LZP-së konstaton se subjekti politik Lidhja Demokratike e Kosovës (LDK), është përgjegjëse për veprimet e saja pasi që ka shkelur nenin 32 pika 3, 4,5 dhe 36 paragrafi 1 pika b) e LZP-së.

Paneli në kuptim të nenit 120.1 pika c) dhe nenit 118.1 të LZP-së, vendosi si në dispozitiv të këtij vendimi.

Paneli Zgjedhor për Ankesa dhe Parashpresa

Anr.1099/2017 më datën 21.11.2017



**Kryesues i Panelit
Hasan Shala**

Këshillë juridike: *Kundër këtij vendimi nuk lejohet ankesa konform nenit 118.4 të LZP-së.*